



Broj: 01/2-04-2421-3/2023
Breza, 02.10.2023. godine

Na osnovu člana 69. stav (2) tačka d) i člana 70. st. 1. 4. i 6. člana Zakona o javnim nabavkama („Službeni glasnik BiH“, broj: 39/14 i 59/22) i člana 39. Statuta Općina Breza („Službeni glasnik Općine Breza“ broj: 7/21), na Preporuku Komisije za javnu nabavku (broj: 02/1-2-11-2323-11/2023 od 29.09.2023. godine) u postupku javne nabavke robe: „Nabavka i ugradnja sistema za video nadzor u urbanom dijelu grada Breza“, Općinski načelnik, d o n o s i

ODLUKU
O PONIŠTENJU POSTUPKA JAVNE NABAVKE ROBE
„Nabavka i ugradnja sistema za video nadzor u urbanom dijelu grada Breza“

Član 1.

Poništava se postupak javne nabavke nabavke robe: „Nabavka i ugradnja sistema za video nadzor u urbanom dijelu grada Breza“, iz razloga propisanih članom 69. stav (2) tačka d) Zakona o javnim nabavkama („Službeni glasnik BiH“, broj: 39/14 i 59/22), odnosno iz razloga što primljena ponuda nije prihvatljiva.

Član 2.

Ova Odluka objavit će se na web-stranici Općine Breza, www.breza.gov.ba, u skladu sa članom 70. stav (6) Zakona o javnim nabavkama.

Član 3.

Postupak poništavanja nabavke provešće se u skladu sa odredbama Zakona o javnim nabavkama („Službeni glasnik BiH“, broj: 39/14 i 59/22).

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-2323/23 i Odlukom o pokretanju postupka javne nabavke broj: 01/2-04-2421/2023 od 27.07.2023. godine.

Javna nabavka je provedena putem postupka konkurentskog zahtjeva za dostavu ponuda. Procijenjena vrijednost javne nabavke robe: „Nabavka i ugradnja sistema za video nadzor u urbanom dijelu grada Breza“, bez PDV-a iznosi 45.427,40 KM.

Obavještenje o nabavci broj: 726-7-1-40-3-25/23 objavljeno je na Portalu javnih nabavki dana 14.07.2023. godine, a dana 04.08.2023. godine u „Službenom glasniku BiH“, broj:54/23.

Objavljena je Izmjena tenderske dokumentacije broj: 02/1-2-11-2323-2/2023 od 02.08.2023. godine, na koju je dana 07.08.2023. godine zaprimljena žalba od strane Agencija za zaštitu ljudi i imovine SWORD SECURITY d.o.o. Sarajevo.

Ugovorni organ je, zbog neusvajanja žalbenih navoda žalitelja, kompletan spis predmeta, uputio Uredu za razmatranje žalbi BiH na nadležno postupanje.

Ured za razmatranje žalbi je rješenjem broj: JN2-03-07-1-2162-7/23 od 15.09.2023. godine, odbio žalbu zbog neosnovanosti i Ugovorni organ je nastavio postupak javne nabavke.

Na osnovu obavještenja na Portalu javnih nabavki, tendersku dokumentaciju sa portala e-nabavke je preuzelo 15 (petnaest) ponuđača.

Izveštaj o preuzimanju Tenderske dokumentacije od strane ponuđača je u prilogu Zapisnika o poništenju postupka javne nabavke.

Komisija za javnu nabavku imenovana je Rješenjem (broj: 01/2-04-2421-2/2023 od 27.09.2023. godine).

Komisija za javne nabavke dostavila je dana 29.09.2023. godine, Zapisnik o poništenju postupka javne nabavke robe, broj: 02/1-2-11-2323-10/2023 i Preporuku o poništenju postupka javne nabavke robe, broj: 02/1-2-11-2323-11/2023.

U postupku po izvještaju o radu je utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan),
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je ponuda ponuđača „ADAL ELECTRONIC“ d.o.o. Breza, neprihvatljiva iz sljedećeg razloga: Ponuđač nije dostavio ovjeren i potpisan Nacrt ugovora kako je zahtijevano u tenderskoj dokumentaciji, u skladu sa tačkom 17. tenderske dokumentacije.

U postupku po Zapisniku o poništenju postupka javne nabavke robe: „Nabavka i ugradnja sistema za video nadzor u urbanom dijelu grada Breza“, je utvrđeno da je Komisija za javnu nabavku blagovremeno i pravilno izvršila postupak ocjene kvalifikovanosti ponuda, o čemu je sačinila odgovarajuće zapisnike.

Nadalje, u postupku ocjene provedenog postupka, Općinski načelnik nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da primljena ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka d) Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke, u skladu sa članom 99. Zakona o javnim nabavkama. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić

Obrađivač: Jasmina Došlić

DOSTAVLJENO:

1x „ADAL ELECTRONIC“ d.o.o Breza
1x Služba za privredu
1x Služba za finansije, inspeksijske poslove i opću upravu
1x web stranica
1x Evidencija
1x a/a

OPĆINSKI NAČELNIK

Vedad Jusić



Adresa: Bogumilska br.1 tel, centrala 032/786-020, 032/786-061
fax.: 032/786-041, 032/786-031
e-mail: nabavke@breza.gov.ba , www.breza.gov.ba

